



Broj: 07-05-1500/17  
Sarajevo, 15.02.2017. godine

## **SKUPŠTINA KANTONA SARAJEVO**

Predmet: **Odgovor na zastupničko pitanje zastupnika u Skupštini Kantona Sarajevo Sabahudina Delalića**

Zastupnik u Skupštini Kantona Sarajevo Sabahudin Delalić, na 25. Radnoj sjednici Skupštine Kantona Sarajevo održanoj 07.02.2017. godine, u okviru tačke Dnevnog reda „Zastupnička pitanja, inicijative i odgovori“ postavio je sljedeće zastupničko pitanje:

*„Kolika je procjena broja divljih svinja na KS? Koliko je zabilježeno upada i šteta od divljih svinja na usjevima? Molim tabelarni prikaz za zadnjih 10 godina odnosno u periodu 2007-2016. godine. Kome se mogu obratiti ugroženi građani? Da li postoji navika prijavljivanja? Da li je ovo prepoznato kao problem i koje mjere su poduzete?“*

Odgovor:

„Shodno Vašem zahtjevu za dostavljanje cjelovite informacije po zastupničkom pitanju zastupnika Sabahudina Delalića dajemo sljedeći odgovor:

Članom 68. do 74. Zakona o lovstvu („Službene novine Federacije Bosne i Hercegovine” br. 4/06, 8/10 i 81/14) definisano je spriječavanje i nadoknada štete od divljači.

Naime, propisano je da je korisnik lovišta dužan preduzimati mjere za sprečavanje šteta koju divljač može učiniti imovini ili ljudima na zemljištu i vodi na kojima se nalazi lovište (održavanje broja divljači prema kapacitetu lovišta, osiguranje prehrane u lovištu, postavljanje čuvara i dr.).


Također je definisano da su vlasnici zemljišta i stoke, odnosno korisnici zemljišta na kojem je osnovano lovište dužni na zemljištu, objektima gdje stoka boravi i opremi koja se koristi u obradi zemlje preduzimati uobičajene mjere za sprečavanje šteta od divljači i na divljači (učinkovitom ogradom, električnim pastikom, postavljanjem plašila, zaštitom mladih sadnica omotavanjem ili premazivanjem, ispašom stoke sa pastikom na površinama dozvoljenim za pašu, postavljanjem plašilica na kosačice i kombajne, sudjelovanjem u organiziranom progonu i sl.).

Za štetu koju počinu lovostajem zaštićena divljač (divlja svinja i vuk) odgovoran je korisnik lovišta u čijem je lovištu šteta počinjena, ukoliko je oštećeni preduzeo propisane mjere zaštite.

Izuzetno, za štetu koju počinu medvjed na utvrđenim uzgojnim područjima nadoknadu plaća Federacija u visini od 45%, kantoni u visini od 25% i korisnik lovišta u visini od 30% od procjene štete.

Na osnovu evidencija u ovom ministarstvu odnosno dostavljenih katastarskih lovišta na području Kantona Sarajevo u proljeće 2016. godine obitavalo je cca 489 grla divlje svinje.

Tabela 1.




| Lovište            | Broj grla  |
|--------------------|------------|
| Ormanj             | 156        |
| C. R. P. Rakitnica | 85         |
| Rakovica Hrasnica  | 34         |
| Kremeš             | 52         |
| Paljevo            | 26         |
| Bukovik            | 90         |
| Igman Bjelašnica   | 46         |
| <b>Ukupno</b>      | <b>489</b> |

Na osnovu uvida u broj podnesenih prijava (Tabela 2.) ali i obim šteta (Tabela broj 3.) evidentno je da se najveći broj šteta desio u lovištu "Ormanj" kojim gospodari lovačko udruženje "Bjelašnica" Hadžići. Također na osnovu podataka o broju prijava smatramo da su građani odnosno poljoprivredni proizvođači upoznati kome se treba podnijeti prijava. Naime, odredbama Zakona o lovstvu definisano je da se prijava o pričinjenoj šteti od divljači podnosi kantonalnom ministarstvu odmah, a najkasnije u roku od tri dana od dana kada je šteta nastala. Po prijemu prijave štete Ministar privrede imenuje Stručnu komisiju koja je dužna u što kraćem roku Zapisnikom utvrditi činjenično stanje na licu mjesta, u pogledu načina nastanka štete, divljači koja je počinila štetu, poduzetih mjera u cilju sprječavanja štete i obima štete.

Tabela broj 2.

| Korisnik   | Broj podnesenih prijava štete po godinama |      |      |      |      |      |      |      |      |      |
|------------|---|------|------|------|------|------|------|------|------|------|
|            | 2007                                      | 2008 | 2009 | 2010 | 2011 | 2012 | 2013 | 2014 | 2015 | 2016 |
| Bjelašnica | 2   | 4    | 0    | 23   | 15   | 8    | 14   | 63   | 11   | 9    |
| Trnovo     | 10  | 4    | 0    | 3    | 5    | 1    | 2    | 0    | 4    | 3    |
| Srednje    | 1   | 1    | 0    | 10   | 1    | 2    | 1    | 3    | 1    | 2    |
| Sarajevo   | 2   | 0    | 2    | 0    | 1    | 0    | 0    | 0    | 0    | 0    |
| Zec        | 0   | 1    | 0    | 0    | 0    | 2    | 1    | 1    | 2    | 2    |
| Igman      | 0   | 1    | 0    | 0    | 0    | 0    | 0    | 0    | 0    | 0    |
| Lane       | 0   | 0    | 0    | 1    | 0    | 0    | 0    | 0    | 0    | 2    |
| Sar- šume  | 1   | 2    | 0    | 4    | 1    | 1    | 0    | 0    | 0    | 0    |




Po donošenju i stupanju na snagu Zakona o lovstvu Ministarstvo prati broj i obim šteta od divljači na području Kantona Sarajevo, i prepoznalo je ovaj problem, te u okviru svojih nadležnosti poduzima odgovarajuće aktivnosti na sprječavanju šteta. U tom smislu ovo ministarstvo dosljedno prati da korisnici lovišta provode svoje obaveze nabavke hrane za divljač, iznošenje iste na udaljena područja lovišta kako bi odvratili divljač što dalje od poljoprivrednih imanja, da poduzimaju aktivnosti na istjerivanju divljači iz ugroženih područja, obezbjeđe finansijska sredstva za naknadu



nastale štete od divljači, te održavaju brojnost populacije divljači u okviru utvrđenih kapaciteta lovišta odnosno da izvršavaju odstrjel divljači u skladu sa godišnjim planovima gospodarenja lovištima.

Na osnovu uvida u podatke iz tabele broj 3. evidentno je da su u lovištu "Ormanj" u 2014. godini bile velike štete na poljoprivrednim kulturama, međutim potrebno je napomenuti da je veći broj prijava bio neosnovan iz razloga što su neke štete nastale od posljedica elementarne nepogode (obilnih kiša), prijave bile neblagovremene itd. Također u tom periodu, a zbog narušenih međuljudskih odnosa lovaca na području Općine Hadžići lovištem nije gospodarilo lovačko udruženje "Bjelašnica", te nisu provođenje uobičajene mjere za sprječavanje šteta od divljači izuzev naknade štete, za osnovane prijave, koje je snosilo ovo ministarstvo. U toku predhodne godine lovci sa područja Općine Hadžići su se ujedinili i preuzeli lovište na gospodarenje i samim tim i sve obaveze za sprječavanje šteta, nadoknadu štete i održavanje brojnosti populacije divljih svinja u utvrđenim kapacitetima lovišta što podrazumjeva i brojnost divljači koja neće pričinjavati znatne štete u poljoprivredi i drugim privrednim djelatnostima.



Kako je već naprijed navedeno, za štete koje počinu divlja svinja (lovostajem zaštićena vrsta divljači) korisnik lovišta na osnovu Zapisnika Stručne komisije ministarstva sporazumno sa oštećenim utvrđuje visinu, rok i način nadoknade štete. Ukoliko se ne postigne sporazum Zakonom o lovstvu je definisano da oštećeni može podnijeti tužbu nadležnom sudu za naknadu štete. U vezi sa navedenim ovo ministarstvo traži od lovačkih udruženja dostavu dokaza da su za osnovane štete izvršili nadoknadu oštećenim. U cilju sprječavanja šteta od divljači ovo ministarstvo organizuje sastanke sa korisnicima lovišta na kojima se ukazuje na problem šteta, iniciraju i sugerišu aktivnosti na sprječavanju istih.

Obzirom da je članom 46. i 48. Zakona o lovstvu propisano da ovo ministarstvo daje saglasnosti na godišnji plan gospodarenja lovištem i saglasnost na lovno privrednu osnovu u postupku davanja saglasnosti na navedene akte obavezno se razmatraju i izvještaji o gospodarenju lovištem u predhodnom periodu odnosno na izvršavanju zakonskih obaveza. Ove aktivnosti će se kontinuirano nastaviti i u narednom periodu sa akcentom na sprječavanje šteta od divljači.











Obzirom da je članom 46. i 48. Zakona o lovstvu propisano da ovo ministarstvo daje saglasnosti na godišnji plan gospodarenja lovištem i saglasnost na lovno privrednu osnovu u postupku davanja saglasnosti na navedene akte obavezno se razmatraju i izvještaji o gospodarenju lovištem u predhodnom periodu odnosno na izvršavanju zakonskih obaveza. Ove aktivnosti će se kontinuirano nastaviti i u narednom periodu sa akcentom na sprječavanje šteta od divljači.

S poštovanjem,

**MINISTAR**

**Dr Muharem Šabić**

Dostavljeno:

1. Naslovu,
2. Evidencija,
3. a/a.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

